

歷代軍事分類
詩選
于左



線
831
878:2
v.7

舊籍



卷七

七律分類目次

出師

送從軍

行軍

軍中

凱歌

詠將

旋軍

悼挽



幕賓

豪俠

詠馬

武器

贈答



歷代軍事分類詩選卷七

新安張
鈞選輯

七律

出師類

從軍行

張祐

少年金紫就光輝。直指邊城虎翼飛。一卷旌收千騎虜。萬全身出百重圍。黃雲斷塞尋鷹去。白草連天射鴈歸。白首漢廷刀筆吏。丈夫功業本相依。

奉和杜相公發益昌

岑參

相公臨戎別

一作發

帝京。擁麾持節遠橫行。朝登劍閣雲隨馬。夜渡巴

江雨洗兵。山花萬朵迎

一作垂

征蓋。川柳千條拂一作撥去旌。暫到蜀城

應計日。須知明主待持衡。



出塞曲

鄭錫

校尉徵兵出塞西。別營分騎過龍溪。沙平虜跡風吹盡。霧失烽煙道
易迷。玉靶半開鴻已落。金河欲渡馬連嘶。會當繫取天驕入。不使
軍書夜刺一作閨。

草檄答南蠻有詠

胡曾

辭天出塞陣雲空。霧捲霞開萬里通。親受虎符安宇宙。誓將龍劍定
英雄。殘霜敢冒高懸日。秋葉爭禁大段風。爲報南蠻須屏跡。不同
蜀將武侯功。

送從軍類

七言律

送盧侍御赴河北

劉長卿

謫居爲別倍傷情。何事從戎獨遠行。千里按圖收故地。三軍罷戰及
春耕。江天渺渺鴻初去。漳水悠悠草欲生。莫學仲連逃海上。田單

空愧取聊城。

送孔巢父赴河南軍

皇甫冉

江城相送阻煙波。况復新秋一鴈過。聞道全師征北虜。更言諸將會南河。邊心杳杳鄉人絕。塞草青青戰馬多。共許陳琳工奏記。知君名宦未蹉跎。

送李僕射愬赴鎮鳳翔

張籍

由來勳業屬英雄。兄弟連營列位同。先入賊城擒首惡。盡封筦庫讓元公。旌幢獨繼家聲外。竹帛新添國史中。天子新收秦隴地。故教移鎮古扶風。

送侯判官赴廣州從軍

張籍

年少才高求自展。將身萬里赴軍門。辟書遠到開呈客。公服新成著謝恩。驛舫過江分白候。戍亭當嶺見紅旛。海花蠻草連冬有。行處

無家不滿園。

送客往鄜州

楊凝

新參將略事營平。錦帶駢弓結束輕。曉上關城吟夜角。暗馳羗馬發支兵。回中地遠風常急。鄜時年多艸自生。近喜扶陽係戎相。從來衛霍笑長纓。

送韓將軍之雁門

陳去疾

荒塞烽煙百道馳。雁門風色暗旌旗。破圍鐵騎長驅疾。飲血將軍轉戰危。畫角吹開邊月靜。纓纓不信虜塵窺。歸來長揖功成後。黃石當年故有期。

送劉思復南河從軍

朱慶餘

七千里別甯無恨。且貴從軍樂事多。不駐節旄先候發。偶逢山寺亦難過。蠻人獨放畚田火。海獸羣遊落日波。遠作受恩身不易。莫拋

書劍近笙歌。

送李秀才入軍

李山甫

弱柳貞松一地栽。不因霜霰自難媒。書生只是平時物。男子爭無亂世才。鐵馬已隨紅旆去。同人猶著白衣來。到頭功業須如此。莫爲初心首重回。

行軍類

七律

望薊門

祖詠

燕臺一去客心驚。笳鼓喧喧漢將營。萬里寒光生積雪。三邊曙色動危旌。沙場烽火侵胡月。海畔雲山擁薊城。少小雖非投筆吏。論功還欲請長纓。

出塞

王維

居延城外獵天驕。白草連山一作天野火燒。暮雲空磧時驅馬。秋日平

原好射鵬。護羌校尉朝乘障。破虜將軍夜渡遼。玉靶角弓珠勒馬。
漢家將賜霍嫖姚。

經河源軍漢邨作

呂溫

行行忽到舊河源。城外千家作漢村。樵採未侵征虜墓。耕耘猶就破
羌屯。金湯天險長全設。伏獵華風亦暗存。暫駐單車空下淚。有心
無力復何言。

上李常侍

戎昱

旌旗曉過大江西。七校前驅萬隊齊。千里政聲人共喜。三軍令肅馬
前嘶。恩霑境內風初變。春入城陰柳漸低。桃李不須令更種。早知
門下舊成蹊。

行次昭應縣道上送戶部李郎中充昭義攻討

李商隱

將軍大旆掃狂童。詔選名賢贊武功。暫逐虎牙臨故絳。遠含雞舌過

新豐。魚遊沸鼎知無日。鳥覆危巢豈待風。早勒勳庸燕石上。佇光
綸綉漢庭中。

行次夏口先寄李大夫

白居易

連山斷處大江流。紅旆逶迤鎮上遊。幕下翱翔秦御史。軍前奔走漢
諸侯。曾陪劍履升鑾殿。欲謁旌幢入鶴樓。假着緋袍君莫笑。恩深
始得向忠州。

將過單于

許棠

荒磧連天堡戍稀。日憂蕃寇却忘機。江山不到處皆到。隴雁已歸時
身一作未歸。行李亦須携戰器。趨迎當便著戎衣。并州去路殊迢遼。
風雨何當達近畿。

雨雪曲

翁綬

邊聲四合殷河流。雨雪飛來遍隴頭。鐵嶺探人迷鳥道。陰山飛將溼

貂裘。斜飄旌旆過戎帳。半雜風沙入戍樓。一自塞垣無李蔡。何人
爲解北門憂。

塞上

黃滔

塞門關外日光微。角怨單于雁駐飛。衝水路從冰解斷。踰城人到月
明歸。燕山臘雪銷金甲。秦苑秋風脆錦衣。欲弔昭君倍惆悵。漢家
甥舅竟相違。

出塞即事二首

顧非熊

塞山行盡到烏延。萬項沙堆見極邊。河上月沉鴻雁起。磧中風度犬
羊膻。席箕草斷城池外。護柳花開帳幕前。此處遊人堪下淚。更聞
終日望狼煙。

其二

賀蘭山便是戎疆。此去蕭關路幾荒。無限城池非漢界。幾多人物在

胡鄉。諸侯持節望吾土。男子生身負吾唐。廻望風光成異域。誰人獻計復河湟。

塞上二首

譚用之

秋風塞

一作漢

北雁飛天。單騎那堪遠賀蘭。磧暗更無巖樹影。地平時

有野燒瘢。貂披寒色和衣冷。劍佩胡霜隔匣寒。早晚橫戈似飛尉。擁旄深入異田單。

鉢略城邊日欲西。遊人却憶舊山歸。牛羊集水煙黏步。鷗鷺盤空雪滿圍。獵騎靜逢邊氣薄。戍樓寒對暮煙微。橫行總是男兒事。早晚重來似漢飛。

塞上

趙延壽

黃沙風捲半空拋。雲動陰山雪滿郊。探水人廻移帳就。射鷗箭落著弓抄。烏逢霜果飢還啄。馬渡冰河渴自跑。占得高原肥草地。夜深

生火折林梢。

軍中類

幽州新歲作

張說

去歲荆南梅似雪。今年薊北雪如梅。共知人事何常定。且喜年華去復來。邊鎮戍歌連夜動。京城燎火徹明開。遙遙西向長安日。願上南山壽一杯

贈田九判官梁丘

杜甫

崆峒使節上青霄。河隴降王歛聖朝。宛馬總肥春一作秦苜蓿。將軍只

數漢一作霍嫖姚。陳留阮瑀誰爭長。京兆田郎早見招。麾下賴君才並

美一作才並入。獨能無意向漁樵。

觀校獵上淮西相公

劉長卿

龍驤校獵邵陵東。野火初燒楚澤空。師事黃公千戰一作載後。身騎白

馬萬人中。筇隨晚吹吟

一作晚吹

邊草。箭沒寒

一作青

雲落塞鴻。三十擁

旄誰不羨。周郎少小立

一作有

奇功。

得柳員外書封寄近詩書中兼報新主行營兵馬因代書戲答

獨孤及

郎官作掾心非好。儒服臨戎政已聞。說劍嘗宗漆園吏。戒嚴應笑棘門軍。遙知抵掌論皇道。時復吟詩向白雲。百越待君言即叙。相思不敢愴離羣。

九日使君席奉餞衛中丞赴長水

岑參

使節橫行西出師。鳴弓擐甲羽林兒。臺上霜威凌草木。軍中殺氣傍旌旗。預知漢將宣威日。正是胡塵欲滅時。爲報使君多泛菊。更將絃管醉東籬。

塞上曲

耿緯

慣習干戈事鞍馬。初從少小在邊城。身微久屬千夫長。家遠多親五郡兵。嬾說疆場曾大獲。且悲年鬢老長征。塞鴻過盡殘陽裏。樓上悽悽暮角聲。

從軍後寄山中友人

王建

愛仙無藥

一作計

住溪貧。脫却山衣事

一作伴

漢臣。夜半聽鷄梳白髮。天

明走馬入紅塵。村童近去嫌腥食。野鶴高飛避俗人。勞動先生遠相示。一作視。別來弓箭不離身。

幕中諸公有觀獵之作因繼之

武元衡

刀城北劍山東。甲士屯雲騎散風。旌旗遍張林嶺動。豺狼驅盡塞垣空。銜蘆遠雁愁縈繳。繞樹啼猿怯避弓。爲報府中諸從事。燕然未勒莫論功。

和白侍郎送令狐相公鎮太原

劉禹錫

十萬天兵貂錦衣。晉城風日斗生輝。行臺僕射深恩重。從事中郎舊路歸。疊鼓蹙成汾水浪。閃旗驚斷塞鴻飛。邊庭自此無烽火。擁節還來坐紫微。

令狐相公自天平移鎮太原以詩申賀

相公昔爲并州從事

劉禹錫

北都留守將天兵。出入香街宿禁扃。鞞鼓夜聞驚朔鴈。旌旗曉動拂參星。孔璋舊檄家家有。叔度新歌處處聽。夷落遙知真漢相。爭來屈膝看儀型。

觀打毬有作

楊巨源

觀掃毬場如砥平。龍驤驟馬曉光晴。入門百拜瞻雄勢。動地三軍唱好聲。玉勒回時沾赤汗。花鬘分處拂紅纓。欲令四海氛烟靜。杖底纖塵不敢生。

拜宣武節度使

李紳

油幢並入虎旗開。錦橐從天鳳詔來。星應魏師新鼓角。地嫌梁苑舊池臺。日暉紅旆分如電。人擁青門動若雷。伊洛鏡清迴首處。是非紛雜任塵埃。

宣武軍鎮

王彥威

天兵十萬勇如貔。正是酬恩報國時。汴水波瀾喧鼓角。隋堤楊柳拂旌旗。前驅紅旆關西將。坐間青娥趙國姬。寄語長安舊冠蓋。麤官到底是男兒。

漢南書事

李商隱

西師萬衆幾時回。哀痛天書近已裁。文吏何曾重刀筆。將軍猶自舞輪臺。幾時拓土城王道。從古窮兵是禍胎。陛下好生千萬壽。玉樓長御白雲杯。

獵騎

薛逢

兵印長封入衛稀。碧空雲盡早霜微。涇川桑落雕初下。渭曲禾收兔
正肥。陌上管弦清似語。草頭弓馬疾如飛。豈知萬里黃雲戍。血迸
金瘡臥鐵衣。

京西即事

韓琮

秋草河蘭起陣雲。涼州唯向管弦聞。豺狼毳幕三千帳。貔虎金戈十
萬軍。候騎北來驚有說。戍樓西望悔爲文。昭陽亦待平安火。誰握
旌旗不見勳。

河中陪帥遊亭

溫廷筠

倚闌愁立獨徘徊。欲賦慙非宋玉才。滿座山光搖劍戟。繞城波色動
樓臺。鳥飛天外斜陽盡。人過橋心倒影來。添得五湖多少恨。柳花
飄蕩似寒梅。

塞下

秦韜玉

到處人皆著戰袍。麾旗風緊馬蹄勞。黑山霜重弓添硬。青冢沙平月更高。大野幾重開雪嶺。長河無限舊雲濤。風林關外皆唐土。何用陳兵戍不毛。

觀瀾西府相畋遊

韋莊

十里旌旗十萬兵。等閑遊獵出軍城。紫袍日照金鵝鬪。紅旆風吹畫虎驚。帶箭彩禽雲外落。避鵬寒兔月中驚。歸來一路笙歌滿。更有仙娥載酒迎。

朔中即事

李頻

關門南北雜戎夷。草木秋來即出師。落日風沙長暝早。窮冬雨雪轉春遲。山頭埃火孤明後。星外行人四絕時。自古邊功何不立。漢家中外自相疑。

隴頭吟

翁綬

隴水潺湲隴樹黃。征人隴上盡望鄉。馬嘶斜日朔風急。雁過寒雲邊思長。殘月出林明劍戟。平沙隔水見牛羊。橫行俱足一作是封侯者。誰斬樓蘭獻未央。

寄滑州李副使員外

皮日休

兵一作山繞臨淮數十重。鐵衣才子正從公。軍前草奏旄頭下。城上封書箭箠中。圍合只應聞曉鴈。血腥何處避春風。故人勳重金章貴。猶在江湖積劍功。

再書邊事

張喬

萬里沙西寇已平。犬羊羣外築空城。分營夜火燒雲遠。校獵秋鷗掠草輕。秦將力隨胡馬竭。蕃河流入漢家清。羌戎不識干戈老。須駕當時聖主明。

太保中書令軍前新樓

吳融

十二闌干壓錦城。半空人語落灘聲。風流近接平津閣。氣色高含細柳營。盡日捲簾江草綠。有時欹枕雪峰晴。不知捧詔朝天後。誰此登臨看月明。

西塞山下作

韋莊

西塞山前水似藍。亂雲如絮滿澄潭。孤峰漸映湓城北。片月斜生夢澤南。爨動曉煙烹紫蕨。露和香蒂摘黃柑。他年却棹扁舟去。終傍蘆花結一菴。

觀獵

韋莊

苑牆東畔欲斜暉。傍苑穿花兔正肥。公子喜逢朝罷日。將軍誇換戰時衣。鶻翻錦翅雲中落。犬帶金鈴草上飛。直待四郊高鳥盡。掉鞍齊向國門歸。

贈戍兵

韋莊

漢皇無事暫遊汾。底事狐狸嘯作羣。夜指碧天占晉分。曉磨孤劍望秦雲。紅旌不卷風長急。畫角閑吹日又曛。止竟有征須有戰。洛陽何用久屯軍。

喻東軍

章莊

四年龍馭守峨嵎。鐵馬西來步步遲。五運未教移漢鼎。六韜何必待秦師。幾時鸞鳳歸丹闕。到處烏鳶從白旗。獨把一樽如淚酒。隔雲遙奠武侯祠。

邊情

張嶼

窮荒始得靜天驕。又說天兵擬渡遼。聖主尙嫌蕃界近。將軍莫恨漢庭遙。草枯朔野春難發。冰結河源夏半銷。惆悵臨戎皆効國。豈無人似霍嫖姚。

東川高僕射

李洞

油幢影裏拜清風。十里貔貅一片雄。二印鎖開霜滿地。四門關定月當空。泉浮山葉人家過。詔惹鱸香鳥道通。新起畫樓攜客上。弦歌筵內海榴紅。

和元帥書記蕭郎觀習水師

徐鉉

元帥樓船出治兵。落星山外火旗明。千帆日助江陵勢。萬里風馳下瀨聲。殺氣曉嚴波上鷁。凱歌遙駭海邊鯨。仲宣一作從軍詠。廻顧儒衣自不平。

塞上

鄭渥

出門何處問西東。指畫翻爲語論同。到此客頭漸覺白。未秋山葉已飄紅。帳前影落傳書鴈。日下聲交失馬翁。早晚回鞭復南去。大衣高蓋漢鄉風。

凱歌類

聞官軍收河南河北

杜甫

劍外忽傳收薊北。初聞涕淚滿衣裳。却看妻子愁何在。漫

一作漫

卷詩

書喜欲狂。白日

一作首

放歌須縱酒。青春作伴好還鄉。即從巴峽穿巫

峽。便下襄陽向洛陽。

李節度平虜詩

殷堯藩

百萬王師下日邊。將軍雄略可圖全。元勳未論封茅土

一作異

捷勢應

知破竹然。燕警無烽清朔漠。秦文有寶進藍田。太平從此銷兵甲。

記取紅羊換劫年。

聞魏州破賊

姚合

生靈蘇息到元和。上將功成自執戈。煙霧掃開尊北岳。蛟龍斬斷淨南河。旗廻海眼軍容壯。兵合天心殺氣多。從此四方無一事。朝朝雨露是恩波。

賀收復秦原諸州詩

白敏中

一詔皇城四海頌。醜戎無數束身還。戍樓吹笛人休戰。牧野嘶風馬自閑。河水九盤收數曲。天山千里鎖諸關。西邊塞北今無事。爲報東西夷與蠻。

降虜

趙嘏

廣武溪頭降虜稀。一聲寒角怨金微。河湟不在春風地。歌舞空裁雪夜衣。鐵馬半嘶邊草去。狼煙高映塞鴻飛。揚雄尙白相如吃。今日何人從獵歸。

平戎

趙嘏

邊聲一夜殷秋輦。牙帳連烽擁萬蹄。武帝未能忘塞北。董生纔足使膠西。冰橫曉渡胡兵合。雪滿窮沙漠漠騎迷。自古平戎有良策。將軍不用倚雲梯。

八月初一駕幸延喜看冠帶降戎

薛逢

城頭旭日照闌干。城下降戎綵仗攢。九陌塵埃千騎合。萬方臣妾一聲歡。樓臺乍仰中天易。衣服初廻左衽難。清水莫教波浪濁。從今赤嶺屬長安。

進宣宗收復河湟詩

崔鉉

邊陲萬里注恩波。宇宙羣芳洽凱歌。右地名王爭解纒。遠方戎壘盡投戈。烟塵永息三秋戍。瑞氣遙清九折河。共遇聖明千載運。更觀俗阜與時和。

塞上

胡宿

漢家神箭定天山。煙火相望萬里間。頡一作契利請盟金匕酒。將軍歸

臥玉門關。雲沈塞上妖氛斷。雪照回中探騎閑。五餌已行王道勝。絕無刁斗至闐顏。

詠將類

贈郭將軍

李白

將軍少年出武威。入掌銀臺護紫微。平明拂劍朝天去。薄暮垂鞭醉酒歸。愛子臨風吹玉笛。美人向月舞羅衣。疇昔英雄如夢裏。相逢且欲醉春暉。

集作輝。

諸將五首

杜甫

漢朝陵墓對南山。胡鹵千秋尙入關。昨日玉魚蒙葬地。早時金盃出人間。見愁汗馬西戎逼。曾閃朱旗北斗殷。多少材官守涇渭。將軍且莫破愁顏。

韓公本意築三城。擬絕天驕拔漢旌。豈謂盡煩回紇馬。翻然遠救朔方兵。胡來不覺潼關隘。龍起猶聞晉水清。獨使至尊憂社稷。諸君何以答升平。

浴陽宮殿化爲烽。休道秦關百二重。滄海未全歸禹貢。薊門何處覓

一作

堯封。朝廷衰職誰爭補

一作雖多預

。天下軍儲不自供。稍喜臨邊王

相國。肯銷金甲事春農。

廻首扶桑銅柱標。冥冥氛祲未全銷。

越裳翡翠無消息。

南海明珠久

寂寥。殊錫曾爲大司馬。

總戎皆插侍中貂。炎風朔雪天王地。只在

良

一作臣

翊聖朝。

色逐人來。

巫峽清秋萬壑哀。正憶往時嚴僕射。共迎中使望

錦江春

。後二持節。軍令分明數舉杯。西蜀地形天下險。安危

鄉臺。主恩前

須仗出羣材。

獻淮南節度使李相公

劉長卿

建牙吹角不聞

一作戰門

喧。三十登

一作

衆所尊。

家散萬金酬士死。

身留

一作持

一劍答君恩。

漁陽老將多廻席。

諸生半在門。

白馬翩翩春

草細

一作綠

。郊原

一作少陵

一作邵陵

。西去獵平原。

上將行

一作上表
行軍中丞

耿漳

蕭關掃定犬羊羣

一作胡塵已
滅天山外

。閉閣層城白日曛。

櫺上駉駉嘶鼓角。

門前老將識風雲。

一作高
秋見

。絲管千家靜夜聞。誰道

古來多簡冊

一作計策

。功臣唯有衛將軍

一作誰道更想看竹
帛功成不獨霍將軍。

送劉將軍

韓

明光細甲照鏗鍛。昨日承恩拜虎牙。

胆大欲期

一作欺

。姜伯約。功多不

讓李輕車。青巾校尉遙相許。

墨

一作黑

稍

一作鞘

將軍莫大

一作大莫誇

。闕下

來時親伏奏。胡塵未盡不爲家。

和胡將軍寓直

王建

宮鴉棲定

一作盡

禁槍攢。樓殿深嚴

一作沈

。月色寒。

進狀直穿金戟槊。探

更先傍玉鉤欄。漏傳五點班初合。鼓動三聲仗已端。遙見正南宣不

坐。新栽松樹喚人看。

贈索暹將軍

王建

渾身着箭瘢猶在。萬槊千刀總過來。輪劍直衝生馬隊。抽旗旋踏死人堆。聞休鬥戰心還癢。見說煙塵眼即開。泪滴先皇堦下土。南衙班裏趁朝回。

贈田將軍

王建

初從學院別先生。便領偏師得戰名。大小獨當三百陣。縱橫只用五千兵。回殘正帛歸天庫。分好旌旗入禁營。自執金吾長上直。蓬萊宮裏夜巡更。

贈郭將軍

王建

承恩新拜上將軍。當直巡更近五雲。天下表章經院過。宮中笑語隔牆聞。密封計策非明奏。別賜衣裳到處薰。向晚臨堦看號簿。眼前

風景任支分。

贈魏州李相公

王建

百戰功勳一日成。三年五度換雙旌。閑來不對人論戰。難處長先自請行。旗下可聞誅敗將。陣頭多是用降兵。當朝面受新恩去。算料妖星不敢生。

贈李槩僕射

王建

唐州將士死生同。盡逐雙旌舊鎮空。獨破淮西功業大。新除隴右世家雄。知時每笑論兵法。識勢還輕立戰功。次第各分茅土貴。殊勳併在一門中。

贈振武張尙書

王建

回天轉地是將軍。扶助春宮上五雲。撫背恩雖同骨肉。擁旄名未敵功勳。盡收壯勇填兵數。不向蕃渾奪馬羣。閑即單于臺下獵。威聲

直到海西聞。

寄汴州令狐相公

王建

三軍江口擁雙旌。虎帳長開自教兵。機鑠惡徒狂寇盡。恩驅老將壯心生。水門向晚茶商鬧。橋市通宵酒客行。秋日梁王池閣好。新歌散入管弦聲。

令狐相公見示河中楊少尹贈答簡命繼之

劉禹錫

兩首新詩百字餘。朱弦玉磬韻難如。漢家丞相重徵後。梁苑仁風一變初。四面諸侯瞻節制。八方通貨溢河渠。自從卻覈爲元帥。大將歸來盡把書。

南海馬大夫遠示著述兼酬拙詩輒著凝誠再有長句時蔡戎未弭故

見於篇末

劉禹錫

漢家旌節付雄才。百越南溟統外臺。身在絳紗傳六藝。腰懸青綬亞

三台。連天浪靜長鯨息。映日帆多寶舶來。聞道楚氛猶未滅。終須
旌旆掃雲雷。

客有話汴州新政書事寄令狐相公

劉禹錫

天下咽喉今大甯。軍城喜氣徹青冥。庭前劍戟朝迎日。筆底文章夜
應星。三省壁中題姓字。萬人頭上見儀形。汴州忽復承平事。正月
看燈戶不扃。

和令狐相公初歸京國賦詩言懷

劉禹錫

凌雲羽翮掞天才。揚歷中樞與外臺。相印昔辭東閣去。將星還拱北
辰來。殿庭捧日顰音纓入。關道看山曳履回。口不言公心自適。吟
詩釀酒待花開。

同樂天送令狐相公赴東都留守

自戶部
尚書拜

劉禹錫

尚書劍履出明光。居守旌旗赴洛陽。世上功名兼將相。人間聲價是

文章。衙門曉闢分天仗。賓幕初開辟省郎。從登坡頭向東望。春風處處有甘棠。

送李尙書鎮滑州

劉禹錫

南徐報政入文昌。東郡須才別建章。視草名高同蜀客。擁旄年少勝荀周一作郎。黃河一曲當城下。騎千重照路傍。自古相門還出相。

如今人望在巖廊。

贈渾鉅中允

楊巨源

公子髫年四海聞。城南侍獵雪雰雰。馬盤曠野弦開月。鴈落寒原箭在雲。曾向天西穿虜陣。慣遊花下領儒羣。一枝瓊蕊朝光好。綵服飄飄從冠軍。

贈張將軍

楊巨源

關西諸將揖容光。獨立營門一作前劍有霜。知愛魯連歸海上。肯令王

翦在頻陽。天晴紅幟當山滿。日暮清笳入塞長。年少功高人最羨。

漢家壇

一作煙

樹月

一作日蒼蒼。

贈史開封

楊巨源

天底荒草誓師壇。鄧艾心知戰地寬。鼓角迴臨霜野曙。旌旗高對雪
峰寒。五營向水紅塵起。一劍當風白日看。曾從伏波征絕域。磧西
蕃部怯金鞍。

述舊紀勳寄太原李光顏侍中二首

楊巨源

玉塞含悽見鴈行。北垣新詔拜龍驤。弟兄間世真飛將。貔虎歸時似
故鄉。鼓角因風飄朔氣。旌旗映水發秋光。河源收地心猶壯。笑向
天西萬里霜。

其二

倚天長劍截雲孤。報國縱橫見丈夫。五載登壇真宰相。六重分闔正

曾聞轉戰平堅寇。共說題詩壓腐儒。料敵知機在方寸。不勞心力講陰符。

贈趙將軍

張籍

當年膽略已縱橫。每見妖星氣不平。身貴早登龍尾道。功高自破鹿頭城。尋常得對論邊事。委曲承恩掌內兵。會取安西將報國。凌煙閣上大書名。

送李司空赴鎮襄陽

一本無赴字

張籍

中外兼權社稷臣。千官齊出拜行塵。再調公鼎勳庸盛。三受兵符寵命新。商路雪開旗旆展

一作遠

。楚堤梅發驛亭春。襄陽風景由來好。

重與江山作主人。

宣武令狐相公以詩寄贈傳播吳中聊奉短草用申酬謝

白居易

新詩傳詠忽紛紛。楚老吳娃耳徧聞。皆解呼爲好才子。不知官是
一作上將軍。詞人命薄多無位。戰將功高少有文。謝眺篇章韓信鉞。
。一生雙得不爲君。

送令狐相公赴太原

白居易

六纛雙旌萬鐵衣。并汾舊路滿光輝。青衫書記何年去。紅旆將軍昨
日歸。詩作馬蹄隨筆走。獵酣鷹翅半觥飛。此一作都莫作多時計。
再爲蒼生入紫微。

寄太原李相公

白居易

聞道北都今一變。政和軍樂萬人安。綺羅二八圍賓榻。組練三千夾
將壇。蟬鬢應誇丞相少。貂裘不覺太原寒。世間大有虛榮貴。百歲
無君一日歡。

因夢得酬牛相公初到洛中小飲見贈

時牛相公辭罷揚州節度就拜東都留守

白居易

淮南揮手拋紅旆。洛下回頭向白雲。政事堂中老丞相。制科場裏舊將軍。宮城煙月饒全占。關塞風光請半分。詩酒放狂猶得在。莫期白叟與劉君。

送陳許高僕射赴鎮

白居易

敦詩說禮中軍帥。重士輕財大丈夫。常與師徒同苦樂。不教親故隔榮枯。花鈿坐繞黃金印。絲管一作竹行隨白玉壺。商皓老狂唯愛醉。時時能寄酒錢無。

和高僕射罷節度讓尙書授少保分司喜遂遊山水之作

白居易

曩辭八座罷雙旌。便作登山臨水行。能以忠貞酬重任。不將富貴礙高情。朱門出去簪纓從。絳帳歸來歌吹迎。鞍轡鬧裝光滿馬。何人

信道是書生。

贈李黯將軍

鮑溶

細柳連營石墜牢。平安狼火赤星高。岩雲入角雕龍爽。寒日搖旗畫獸豪。搜伏雄兒欺魍魎。射聲遊騎怯分毫。聖人爲有河湟恨。寰海無虞在一勞。

贈邊將

施肩吾

輕生奉國不爲難。戰苦身多舊箭瘢。玉匣鎖龍鱗甲冷。金翎襯鶻羽毛寒。皂貂擁出花當背。白馬騎來月在鞍。猶怨犬戎臨虜塞。柳營時把陣圖看。

中丞業深韜略志在功名再奉長句一篇兼有諮勸 杜牧

檣似鄧林江拍天。越香巴錦萬千千。滕王閣上柘枝鼓。徐孺亭西

一作

前鐵軸船。八部元侯非不貴。萬人師長豈無權。要君一作嚴重疎歡

樂。猶有河湟可下鞭。

和宣州沈大夫登北樓書懷

杜牧

兵符嚴重辭金馬。星生光芒射斗牛。筆落青山飄古韻。帳開紅旆照高秋。香連日彩浮綃幕。溪逐歌聲遶畫樓。可惜登臨佳麗地。羽儀須去鳳池遊。

寄唐州李珣尚書

杜牧

累代功勳照世光。奚胡聞道死心降。書功筆秃三千管。領節門排十六雙。先揖耿弇聲寂寂。今看黃霸事縱縱。時人欲識胸襟否。彭蠡秋連萬里江。

贈別前蔚州契苾使君

李商隱

何年部落到陰陵。弈世勤王國史稱。夜捲牙旗千帳雪。朝飛羽騎一河冰。蕃兒襁負來青塚。狄女壺漿出白登。日晚鸛鶉泉畔獵。路人

遙識郅都鷹。

贈李將軍

溫庭筠

誰言荀羨愛功勳。年少登壇衆所聞。曾以能書稱內史。又因明易號將軍。金溝故事春常在。玉軸遺文火半焚。不學龍驤畫山水。醉鄉無跡似閒雲。

贈蜀將

溫庭筠

十年分散劍關秋。萬事皆從錦水流。志一作心氣已曾明漢節。功名猶尙帶吳鉤。雕邊認箭寒雲重。馬上聽笳塞艸愁。今日逢君倍惆悵。灌嬰韓信盡封侯。

上邠甯邢司徒

賈島

箭頭破帖一作括渾一作全無敵。杖底敲毬遠有聲。馬走千蹄朝萬乘。地分三郡擁雙旌。春風欲盡山花發。曉角初吹客夢驚。不是邢公來鎮

此。長安西北未能行。

贈邊將

姚鵠

三邊近日往來通。盡是將軍鎮撫功。兵統萬人爲上將。威加千里懾西戎。清笳遶塞吹寒月。紅旗當山肅曉風。却恨北荒霖雨露。無因掃盡虜庭空。

獻淮南李相公

趙嘏

傳巖高靜見臺星。廟略當時討不庭。萬里有雲歸碧落。百川無浪到滄溟。軍中老將傳兵術。江上諸侯受政經。聞道國人思再入。鎔金新鑄鶴儀形。

贈長城庾將軍

李頻

初年二十拜將軍。近代英雄獨未聞。向國報恩心比石。辭天作鎮氣凌雲。逆風走馬貂裘卷。望塞懸弧鴈陣分。定攘節旄從此去。安西

大破犬戎羣。

贈羽林將軍

李 郢

虬鬚憔悴羽林郎。曾入甘泉侍武皇。鷗沒夜雲知御苑。馬隨仙仗識天香。五湖歸去孤舟月。六國平來兩鬢霜。唯有桓伊江上笛。臥吹三弄送殘陽。

上裴晉公

李 郢

四朝憂國鬢如絲。龍馬精神海鶴姿。天上玉書傳詔夜。陣前金甲受降時。曾經庾亮三秋月。下盡羊曇兩路一作局碁。惆悵舊堂局綠野。夕陽無限鳥飛遲。

羽林賈中丞

曹 唐

四十年前百戰身。曾驅虎隊掃胡塵。風悲鼓角榆關暮。日暖旌旗隴草春。鐵馬慣牽邀上客。金魚多解乞佳人。胸中別有安邊計。誰睜

髭鬚白似銀。

王將軍

方干

大志無心守章句。終懷上略致殊功。保甯帝業青萍在。投棄儒書絳帳空。密雪曙連葱嶺道。青松夜起柳營風。將星依舊當文座。應念愚儒命未通。

老將

韓偓

折槍黃馬倦塵埃。掩耳凶徒怕疾雷。雪密酒酣偷號去。月明衣冷斫營回。行驅貔虎披金甲。立聽笙歌擲玉杯。坐久不須輕矍鑠。至今雙擘硬弓開。

老將

羅鄴

百戰辛勤歸帝鄉。南班班裏最南行。弓欺猿臂秋無力。劍泣虬髯曉有霜。千古恥非書玉帛。一心猶自向河滄。年年宿衛天顏近。曾把

功勳奏建章。

邊將

秦韜玉

劍光如電馬如風。百捷長輕是掌中。無定河邊番將死。受降城外虜塵空。旗縫鴈翅和竿裊。音。箭撚雕翎逐隼雄。自指燕山最高石。不知誰爲勒殊功。

讀張僕射詩

杜荀鶴

秋吟一軸見心胸。萬象搜羅詠欲空。才大却嫌天上桂。世危翻立陣前功。廉頗解武文無說。謝朓能文武不通。雙美總輸張太守。二南章句六鈞弓。

贈邊將

韋莊

昔因征遼向金微。馬出榆關一鳥飛。萬里只攜孤劍去。十年空逐塞鴻歸。手招都護新降虜。身著文皇舊賜衣。只待煙塵報天子。滿頭

霜雪爲兵機。

贈戰將

殷文圭

綠沈槍利雪峯尖。犀甲軍裝稱紫髯。威懾萬人長凜凜。禮延羣客每謙謙。陣前戰馬黃金勒。架上兵書白玉籤。不謂己爲儒弟子。好依門下學韜鈴。

夏日題老將林亭

張蠙

百戰功成翻愛靜。侯門漸欲似仙家。牆頭雨細垂纖草。水面風回聚落花。井放轆轤閑浸酒。籠開鸚鵡報煎茶。幾人圖在凌煙閣。曾不交鋒向塞沙。

贈淮西賈兵馬使

清江

破虜功成百戰場。天書新拜漢中郎。映門旌旆春風起。對客弦歌白日長。階下鬪雞花乍發。一作折營南試馬柳初黃。由來吳楚一作蜀多同

調。感激逢君共異鄉。

獻錢尙父

貫休

貴逼人

身一作

來不自由。龍驤鳳翥勢難收。滿堂花醉三千客。一劍霜

寒十四州。鼓角揭天嘉氣冷。風濤動地海山秋。東南永作金天柱。誰羨當時萬戶侯。

旋軍類

和侯大夫秋原山觀征人回

楊巨源

兩河戰罷萬方清。原上軍回識舊營。立馬望雲秋塞靜。射雕臨水曉天晴。戍閑部伍分岐路。地遠家鄉寄旆旌。聖代止戈資廟略。諸侯不復更長征。

晉公破賊回重拜台司以詩示幕中賓客愈奉和

韓愈

南伐旋師太華東。天書夜到册元功。將軍舊歷三司貴。相國新兼五

等崇。鷓鴣欲歸仙仗裏。熊羆還入禁營中。長慙典午非材職。得就閑官即至公。

和淮南李相公夷簡平淄青廻軍之作

鮑溶

橫笛臨吹發曉軍。元戎幢節拂寒雲。搜山羽騎乘風引。下瀨樓船背水分。天際獸旗搖火焰。日前魚甲動金文。馬毛不汗東方靖。行見蕭何第一勛。

寄宋申錫評事時從李少師移軍回歸

鮑溶

君逐元侯靜虜歸。虎旗龍節駐春暉。欲求岱岳燔柴禮。已錫魯人縫掖衣。長劍一時天外倚。五雲多遶日邊飛。心期共賀太平世。去去故鄉親一作其食薇。

覩軍廻戈

韋莊

關中羣盜已心離。關外猶聞羽檄飛。御苑綠莎嘶戰馬。禁城寒月搗

征衣。漫教韓信兵塗地。不及劉琨嘯解圍。昨日屯軍還夜遁。滿車空載洛神歸。

聞官軍繼至未覩凱旋

韋莊

嫖姚何日破重圍。秋草深來戰馬肥。已有孔明傳將略。更聞王導得神機。陣前鼙鼓晴應響。城上烏鳶飽不飛。何事小臣偏注目。帝鄉遙羨白雲歸。

息兵

韓偓

漸覺人心望息兵。老儒希覲見澄清。正當困辱殊輕死。已過艱危却戀生。多難始應彰勁節。至公安肯爲虛名。暫時跨下何須恥。自有蒼蒼鑒赤誠。

長安退將

項斯

塞外衝沙損眼明。歸來養病住秦京。上高樓閣看星坐。著白衣裳把

劍行。常說老身思鬪將。最悲無力制蕃營。翠眉紅臉和回鶻。惆悵
中原不用兵。

入塞二首

沈彬

欲爲皇王服遠戎。萬人金甲鼓聲中。陣雲黯塞三邊黑。兵血愁天一
片紅。半夜翻營旗攪月。深秋防戍劍磨風。謗書未及明君燕。臥骨
將軍已歿功。

苦戰沙門臥箭痕。

一作年少辭鄉事冠軍

戍樓閑上望星文。生希國澤分偏將。

一作生希沙漠擒驕虜

死奪河源答聖君。蒼觀敗兵眠白

一作血

草。馬驚邊

一作鬼

哭陰

一作愁

雲。功多地遠無人紀。漢閣笙歌日又曛。

悼挽類

奉寄章十侍御

朝觀從容問幽仄意必葬將入朝而武杖殺之也此當

是廣德二年作

杜甫

淮海維揚一俊人。金章紫綬照青春。指麾能事迴天地。訓練強兵動鬼神。湘西不得歸關羽。河內猶宜借寇恂。朝覲從容問幽仄。勿云江漢有垂綸。

送李將軍

劉長卿

征西諸將一

一作莫

如君。報德誰能不顧勳。身逐塞鴻來萬里。手披荒

一作江

草看孤墳。擒生絕漠經胡雪。懷舊長沙哭楚雲。歸去蕭條灞陵

上。幾人看葬李將軍。

哭韓將軍

顧非熊

將軍不復見儀形。笑語隨風入杳冥。戰馬舊騎

一作騎行

嘶引葬。歌姬新

嫁哭辭靈。功勳客問求爲誌。服玩僧收與轉經。寂寞一家春色裏。

百花開落滿山庭。

傷

一作哭

虞將軍

許渾

白首

一作十載
一作自昔

從軍未有名。近將孤劍到

一作出

江城。巴童戍久能番語

。胡馬調多解漢行。對雪夜窮黃石畧。望雲秋計

一作朝算

黑山程。可憐

身死

一作誰知

家猶遠。汴水東流無哭聲。

聞慶州趙縱使君與黨項戰中箭身死輒書長句

杜牧

將軍獨乘鐵驄馬。榆溪戰中金僕姑。死綏却是古來有。驍將自驚今日無。青史文章爭點筆。朱門歌舞笑捐軀。誰知我亦輕生者。不得君王丈二笏。

奉使岐下聞唐弘夫行軍爲賊所擒傷而有作

唐彥謙

報國捐軀實壯夫。楚囚垂欲復神都。雲臺畫像皆何者。青史書名或不孤。散卒半隨袁校尉。寡妻休問辟司徒。聞君敗績無歸計。氣激星辰坐向隅。

哭陷邊許兵馬使

曹唐

北風裂地黯邊霜。戰敗桑乾日色黃。故國暗廻殘士卒。新墳空葬舊衣裳。散牽細馬嘶青草。任去佳人弔白楊。除却陰符與兵法。更無一一作異物在儀牀。

代孔明哭先生

李山甫

憶昔南陽顧草廬。便乘雷電捧乘輿。酌量諸夏須平取。期刻羣雄待遍鋤。南面未能成帝業。西陵那忍送宮車。九疑山下頻惆悵。曾許微臣水共魚。

又代孔明哭先生

李山甫

鯨鬣翻騰四海波。始將天意用干戈。盡驅神鬼隨鞭策。全罩英雄入網羅。提劍尙殘吳郡國。垂衣猶欠魏山河。鼎湖無路追仙駕。空使羣臣泣血多。

聞查建州陷賊寄鍾郎中

徐鉉

聞道將軍輕壯圖。螺江城下委犀渠。旌旗零落沈荒服。簪履蕭條返故居。皓首應全蘇武節。故人誰得李陵書。自憐放逐無長策。空使盧諶淚滿裾。

哭衛尚書

靈一

畫戟重門楚水陰。天涯欲暮共傷心。南荊雙戟痕猶在。北斗孤魂望已深。蓮花幕下悲風起。細柳營邊曉月臨。有路茫茫向誰問。感君空有淚霑襟。

幕賓類

送馮八將軍奏事畢歸滑臺幕府

崔峒

玉門別後到滄洲。帝里相逢俱白頭。自歎馬卿常帶疾。還嗟李廣不封侯。棠梨宮裏瞻龍袞。細柳營中著虎裘。想到滑臺桑葉落。黃河東注杏園秋。

送李司直歸浙東幕兼寄鮑將軍

一作朱灣

朱長文

翩翩書記早曾聞。二十年來願見君。今日相逢悲

廷一作朝
思

白髮。同時

幾許在青雲。人從北固山邊去。水到西陵渡口分。會作王門曳裾客。
。爲余前謝鮑將軍。

江陵嚴司空見示與成都武相公唱和因命同作

劉禹錫

南荆西蜀大行臺。幕府旌門相對開。名重二司平水土。威雄八陣役
風雷。彩雲翻初望青城起。錦浪秋經白帝來。不是郢中清唱發。誰當
丞相揆天才。

聞李六景檢自河東令授唐鄧行軍司馬以詩賀之

白居易

誰能准上靜風波。聞道河東應此科。不獨文詞供奉記。定將談笑解
兵戈。泥埋劍戟終難久。水借蛟龍可在多。四十著緋軍司馬。男兒
官職未蹉跎。

贈楊祕書巨源

白居易

早聞一箭取遼城。相識雖新有故情。清句三朝誰是敵。白鬚四海半爲兄。貧家薤草時時入。瘦馬尋花處處行。不用更教詩過好。折君官職是聲名。

送陳侗

一作稠形

赴江陵從事

姚合

荊州勝事衆皆聞。幕下今朝又得君。才子何須藉一作中科等。男兒終久要功勳。江村竹樹多於草。山路塵埃半是雲。新什定知饒景思。不應一向賦從軍。

送陳校書赴蔡州幕

章孝標

天假縱橫入幕籌。東南頓減一方憂。行賈健筆辭天閣。坐見妖星落蔡州。青草袍襟翻日脚。黃金馬鐙照旄頭。此行領取從軍樂。莫慮功名不拜侯。

寄淮南幕中劉員外

趙嘏

郎官何遜最風流。愛月憐山不下樓。三佐戎旃換朱紱。一辭蘭省見清秋。桂生巖石本瀟灑。鶴到煙空更自由。休向西齋久閑臥。滿朝傾蓋是依劉。

懷鍾陵舊遊四首

杜牧

一謁征南最少年。虞卿雙璧截肪鮮。歌謠千里春長暖。絲管高臺月正圓。玉帳軍籌羅俊彥。絳帷環珮立神仙。陸公餘德機雲在。如我酬恩合執鞭。

滕閣中春綺席開。柘枝蠻鼓殷晴雷。垂樓萬幕青雲合。破浪千帆陣馬來。未掘雙龍牛斗氣。高懸一榻棟梁材。連巴控越知何有。一作珠翠沉檀處處堆。

十頃平湖堤柳合。岸秋蘭芷綠纖纖。一聲明月採蓮女。四面朱樓卷

畫簾。白鷺煙分光的的。微漣風定翠潏潏。徒兼切斜輝更落西山影。

千步虹橋氣象兼。

控壓平江十萬家。秋來江靜鏡新磨。城頭晚鼓雷霆後。橋上遊人笑語多。日落汀痕千里色。月當樓午一聲歌。昔年行樂穠桃畔。醉與龍沙揀蜀羅。

送杜顥赴潤州幕

杜牧

少年才俊赴知音。丞相門欄不覺深。直道事人男子業。異鄉加飯弟兄心。還須整理韋弦佩。莫獨矜誇玳瑁簪。若處上元懷古去。謝安墳下與沉吟。

和宣州沈大夫登北樓書懷

杜牧

兵符嚴重辭金馬。星劍光芒射斗牛。筆落青山飄古韻。帳開紅旆照高秋。香連日彩浮綃幕。溪逐歌聲遶畫樓。可惜登臨佳麗地。羽儀

須去鳳池遊。

重送徐州從事李商隱

薛逢

曉乘征騎帶犀渠。醉別都門慘袂初。蓮府望高秦御史。柳營官重漢
尚書。斬蛇澤畔人烟少。戲馬臺前樹影疎。尺組挂身何用處。一作古
來名利盡丘墟。

寄浙石舊幕僚

孟遲

由來惡舌駟難追。自古無媒謗所歸。勾踐豈能容范蠡。李斯何暇救
韓非。巨拳豈爲雞揮肋。強弩那因鼠發機。慚愧故人同鮑叔。比心
江柳尙依依。

暇日有寄姑蘇曹使君兼呈張郎中郡中賓僚

羅隱

嘉植一作樹陰陰覆劍池。此中能政動神祇。湖邊觀稼雨迎馬。城外犒
軍風滿旗。融酒徒誇無算爵。儉蓮還少最高枝。珊瑚筆架知珠履。

曾和陳王幾首詩。

送龔員外赴江州幕

徐鉉

煩君更上築金臺。世難民勞藉俊才。自有聲名馳羽檄。不妨談笑奉尊罍。元規樓廻清風滿。匡俗山春晝障開。莫忘故人離別恨。海潮廻處寄書來。

送元帥書記高郎中出爲婺源建威軍候

徐鉉

寒風蕭瑟楚江南。記室戎裝挂錦帆。倚馬未曾妨笑傲。斬牲先要厲威嚴。危言昔日嘗無隱。壯節今來信不凡。惟有杯盤思上國。酒醪甜淡菜蔬甘。

宿山驛

吳商皓

文戰何堪功未圖。又驅羸馬指天衢。露華凝夜渚蓮盡。月彩滿輪山驛孤。岐路辛勤終日有。鄉關音信隔年無。好同一作乘范蠡扁舟興。

高掛一帆歸五湖。

寄金陵幕中李郎中

齊 巳

龍門支派富才能。年少飛翔便大鵬。久待尊罍臨鐵甕。又從旛節鎮金陵。精神一隻秋空鶴。騷雅千尋夏井冰。長憶相招宿華館。數宵忘寢盡寒燈。

豪俠類

少年

李商隱

外戚平羌第一功。生年二十有重封。直登宣室螭頭上。橫過甘泉豹尾中。別館覺來雲雨夢。後門歸去蕙蘭叢。灞陵夜獵隨田竇。不識寒郊自轉蓬。

羽林郎

朱慶餘

紫髯年少奉恩初。直閤將軍盡不如。酒後引兵圍百草。風前駐旆領

邊書。宅將公主同時賜。官與中郎共日除。大笑魯儒年四十。腰間猶未識金魚。

公子行

于鵠

少年初拜太常秋。半醉垂鞭見列侯。馬上抱雞三市鬪。袖中攜劍五陵遊。玉簫金管迎歸院。錦袖紅妝擁上樓。更向苑東新買宅。碧波春水入門流。

公子行

張祜

玉堂前後畫簾垂。立卻花驄待出時。紅粉美人擎酒勸。錦衣年少臂應隨。輕將玉杖敲花片。旋把金鞭約柳絲。晴日一作近地獨遊三五騎。等閒行榜曲江池。

舞馬千秋萬歲樂府詞

張說

金天誕聖千秋節。玉醴還分萬壽觴。試聽紫駟歌樂府。何如騏驎舞

華岡。連騫勢出魚龍變。蹀躞驕生鳥獸行。歲歲相傳指樹日。翩翩
來伴慶雲翔。

其二

聖皇至德與天齊。天馬來儀自海西。腕足徐行拜兩膝。繁驕不進踏
千蹄。鬃鬣奮鬣時蹲踏。鼓怒驥身忽上躋。更有銜杯終宴曲。垂頭
掉尾醉如泥。

其三

遠聽明君愛逸才。玉鞭金翅引龍媒。不因茲白人間有。定是飛黃天
上來。影弄日華相照耀。噴含雲色且徘徊。莫言闕下桃花舞。別有
河中蘭葉開。

詠馬類

詠馬

楊師道

寶馬權奇出未央。雕鞍照曜紫金裝。春草初生馳上苑。秋風欲動戲

醉一作長楊。鳴珂屢度章臺側。細蝶經一作徑向濯龍傍。徒令漢將連年

去宛城今已獻一作賦明王。名本字作明

賀張十八秘書得裴司空馬

韓愈

司空遠寄養初成。毛色桃花眼鏡明。落日已曾交轡語。春風還擬並
鞍行。長令奴僕知飢渴。須著賢良待性情。旦夕公歸申拜謝。免勞
騎去逐雙旌。

驄馬

萬楚

金絡青驄白玉鞍。長鞭紫陌野遊盤。朝驅東道塵恆滅。暮到河源日
未闌。汗血每隨邊地苦。蹄傷不憚隴陰寒。君能一飲長城窟。爲報

一作盡天山行路難。

謝裴司空寄馬

張籍

驂耳新駒駿得一作有名。司空遠自寄書生。乍離華廐移蹄澀。初到貧家舉眼驚。每被閑人來借問。多尋古寺獨騎行。長思歲旦沙堤上。得從鳴珂傍火城。

愛妾換馬二首

張祜

一面妖桃千里蹄。嬌一作芳姿駿骨價應齊。乍牽一作試玉勒辭一作超金棧

一作。催一作初整花鈿出繡閨。去日豈無沾袂一作袖泣。歸時還有一作別時猶解

頓銜嘶。嬋娟蹀躞春風裏。一作暮揮手搖鞭楊柳隄。

其二

綺一作粉閣香銷華廐空。忍將行雨換追風。休憐柳葉雙眉翠。一作綠却

愛桃花兩耳紅。侍宴永辭春色裏。趁朝休立漏聲中。恩勞未盡情先

盡。暗泣嘶風一作長嘶兩意同。此篇一作陳標詩

驄馬曲

紀唐夫

連錢

一作年

出塞踏沙蓬。豈比當時御史驄。逐北自諳深磧路。連

長一作

嘶誰念靜邊功。登山每與青雲合。弄影應知碧草同。今日虜平將換妾。不如羅袖舞春風。

白馬

翁綬

裴相公大學士見示答張秘書謝馬詩并羣公屬和因命追作

劉禹錫

草元門少戶塵埃。丞相并州寄馬來。初自塞垣銜苜蓿。忽行幽徑破莓苔。尋花緩轡威遲去。帶酒垂鞭蹀躞迴。不與王侯與詞客。知輕富貴重清才。

公垂尙書以白馬見寄光潔穩善以詩謝之

白居易

翩翩白馬稱金羈。領綴銀花尾曳絲。毛色鮮明人盡愛。性靈馴善主偏知。兔將妾換慙來處。試使奴牽欲上時。不蹶不驚行步穩。最宜

山簡醉中騎。

和張十八秘書謝裴相公寄馬

白居易

齒齊鴈足毛頭膩。秘閣張郎叱撥駒。洗了頷花翻假錦。走時蹄汗蹋眞珠。青衫乍見曾驚否。紅粟難賒得飽無。丞相寄來應有意。遣君騎去上雲衢。

渥洼龍種雪霜同。毛骨天生膽氣雄。金埒乍調光照地。玉關初別遠嘶風。花明錦襜垂楊下。露濕朱纓細草中。一夜羽書催轉戰。紫髯騎出佩驊弓。

詠馬

韓琮

曾經伯樂識長鳴。不似龍行不敢行。金埒未登嘶若是。鹽車猶駕瘦何驚。難逢王濟知音癖。欲就燕昭買駿名。早晚飛黃引同皂。碧雲天上作鸞鳴。

繫白馬詩上薛僕射

平曾

白馬披繫練一團。今朝被絆欲行難。雪中放去空留跡。月下牽來只見鞍。向北長鳴天外遠。臨風斜控耳邊寒。自知毛骨還應異。更請孫陽仔細看。

病馬五首口玉鄭校書章三吳十五先輩

曹唐

驟駢

一作綠耳何年別

一作到

渥洼。病來顏色半泥

一作塵

沙。四蹄不鑿金

一作銀

砧裂。

雙眼慵開玉筋

一作燭

斜。墮月兔毛乾殼

一作斛

失雲龍骨瘦

牙槎

一作查牙

平原好放

一作牧

無人放。嘶向秋風肯宿花。

其二

隴上沙葱葉正齊。騰黃猶自踟羸蹄。尾蟠夜雨紅絲脆。頭掉

一作掉秋

風白練低。力憊未思金絡腦。影寒空望錦障泥。階前莫怪

一作錯垂雙

淚。

一作耳

不遇孫陽不敢

一作又作用嘶。

其三

不剪焦毛鬣半翻。何人別

識一作

是古龍孫。霜侵

風一作

病骨無驕氣。土

蝕鬪花見臥痕。未噴

一作噴得

斷雲歸漢苑。曾追輕

一作會飛

練過

一作適

吳門

。一朝千里心猶在。爭肯潛忘

一作施

秣飼恩。

其四

空被秋風吹病毛。無因濯浪刷洪濤。臥來總怪龍蹄

阻一作

。瘦盡誰

驚虎口高。追電有心猶欸段。逢人相骨強嘶號。欲將鬻

一作鬻

鬣重裁

剪。乞借新成

一作城

利鉸刀。

其五

病久無人著意看。玉

一作五

華毛色欲凋殘。飲驚白露泉花冷。喫怕清

風荳葉寒。

長儻敢辭紅錦重。

舊韁甯畏紫絲蟠。

王良若許相擡策。

千里追風也不難。

紫駟馬

秦韜玉

渥洼奇骨本難求。况是豪家重紫駟。膽大宜懸銀壓胯。力渾欺却

一作著

玉銜頭。生鬻弄影風隨起

一作步

。躑躅衝塵汗滿溝。

若遇丈

一作大

夫能控馭。任從騎

一作驅

取覓封侯

傷病馬

杜荀鶴

此馬堪憐力壯時。細勻行步恐塵知。騎來未省將鞭觸。病後長教覓藥醫。顧主強擡和淚眼。就人輕刷帶瘡皮。祇今筋骨渾全在。春暖莎青放未遲。

代書寄馬

韋莊

馳驅曾在五侯家。見說初生自渥洼。鬃白似披梁苑雪。頸肥如撲杏園花。休嫌綠綬嘶貧舍。好著紅纓入使衙。穩上雲衢三萬里。年年長踏魏堤沙。

武器類

寶劍

李羣玉

雷煥豐城掘劍池。年深事遠跡依稀。泥沙難掩衝天氣。風雨終思發匣時。夜電尙搖池底影。秋蓮空吐鏢邊輝。自從星坼中臺後。化作雙龍去不歸。

詠弓

章孝標

較量武藝論勳庸。曾發將軍箭落鴻。握內從誇彎似月。眼前還怕撇來風。只知擊起穿雕鏃。不解容和射鵠功。得病自從盃裏後。至今形狀怕相逢。

古劍

譚用之

鑄時天匠待英豪。紫焰寒星匣倍牢。三尺何年拂塵土。四溟今日絕波濤。雄鷹垓下收蛇陣。滯想溪頭伴豹韜。惜是真龍懶拋擲。夜來

衝斗氣何高。

和周侍御買劍

曹唐

將軍溢價買吳鉤。要與中原靜寇讐。試掛窗前驚電轉。略拋床下怕泉流。青天露拔雲霓泣。黑地潛擎鬼魅愁。見說深夜星斗畔。等閑期尅月支頭。

蟲劍

曹唐

古物神光雪見羞。未能擊出恐泉流。暗臨黑水蛟螭泣。潛倚空山鬼魅愁。生怕雷霆號澗底。長聞風雨在牀頭。垂情不用將閑

一作閑注云此移切

氣。惱亂司空犯斗牛。

贈答類

送魏萬之京

李頎

朝聞遊子唱離歌。昨夜微霜初渡河。鴻雁不堪愁裏聽。雲山况是客

中過。關城曙色催寒近。御苑砧聲向晚多。莫是長安行樂處。空令
歲月易蹉跎。

使君席夜送嚴河南赴長水

岑參

嬌歌急管雜青絲。銀燭金杯映翠眉。使君地主能相送。河尹天明坐
莫辭。春城月出人皆醉。野戍花深馬去遲。寄聲報爾山翁道。今日
河南勝昔時。

將赴荊南寄別李劍州

杜甫

使君高義驅今古。寥落三年坐劍州。但見文翁能化俗。

一作蜀

焉知李

席未封侯。路經滸江雙蓬鬢。天入滄浪一釣舟。戎馬相逢更何日。

春風回首仲宣樓。

奉待嚴大夫

杜甫

殊方又喜故人來。重鎮還須濟世才。常怪偏裨終日待。不知旌節隔

年廻。欲辭巴徼啼鶯合。遠下荆門去鷁催。身老時危思會面。一生

襟一作懷抱向誰開。

送王誕渤海使赴李太守行營

韓翃

少年結客散黃金。中歲連兵掃綠林。渤海名王曾折首。漢家諸將盡傾心。行人去指徐州近。飲馬回看泗水深。喜見明時鍾太尉。功名一似舊淮陰。

送李尚書郎君昆季侍從舊歸觀滑州

盧綸

鳳雛聯翼美王孫。綵服戎裝擬塞垣。金鼎對筵調野膳。玉鞭齊騎引行軒。冰河一曲旌旗滿。墨詔千封雨露繁。更說務農將罷戰。敢持歌頌慶晨昏。

送崔判官使

一作太原

武元衡

勞君車馬此逡巡。我與劉君本世親。兩地山河分節制。十年京洛共

風塵。笙歌幾處胡天月。羅綺長留蜀國春。報主由來一作末由須盡

敵。相期一作煙塵萬里寶刀新。

送裴中丞出使

楊巨源

一清淮甸假朝綱。金印初迎細柳黃。辭闕天威和雨露。出關春色避
風霜。龍韜何必陳三略。虎旅由來肅萬方。宣諭生靈真重任。回軒
應問石渠郎。

重送胡大夫赴振武

楊巨源

向年擢桂儒生業。今日分茅聖主恩。旌旆仍將過鄉路。軒車爭看出
都門。人間文武能雙捷。天下安危待一論。布惠宣威大夫事。不妨
詩思許琴尊。

登柳州城樓寄漳汀封連四州刺史

柳宗元

城上高樓接大荒。海天愁思正茫茫。驚風亂颭芙蓉水。密雨斜侵薜

荔牆。嶺樹重遮千里目。江流曲似九迴腸，共來百越又身地。猶自音書滯一鄉。

重送浙西李相公頃廉問江南已經七載後歷滑一作清臺劍南兩鎮遂入相今復領舊地新加旌旄

劉禹錫

江北萬人看玉節。江南千騎引金鐃。鳳從池上遊滄海。鶴到遼東識舊巢。城下清波含百谷。窗中遠岫列三茅。碧雞白馬回翔久。却憶朱方是樂郊。

送鄭尚書赴廣州

張籍

聖朝選將持符節。內使一作制宣時百辟聽。海北蠻夷來舞蹈。嶺南封

管送圖經。白鵬飛遶迎官舫。紅槿開當讌客亭。此處莫言多瘴癘。天邊看取老人星。

贈別王侍御赴任陝州司馬一作贈王司馬

張籍

京城在處閑人少。唯共君行並馬蹄。更和詩篇名最出。時對一作傾杯
酒戶當齊。同趨闕下聽鐘漏。獨向軍前聞鼓鼙。今日春明門外別。
更無因得到街西。

送東都留守令狐尚書赴任

白居易

翠華黃屋未東巡。碧洛青嵩付大臣。地稱高情多水竹。山宜閑望少
風塵。龍門即擬爲遊客。金谷先憑作主人。歌酒家家花處處。莫空
管領上陽春。

令狐相公拜尚書後有喜從

一作罷

鎮歸朝之作劉郎中先和因以繼之

白居易

車騎新從梁苑回。履聲珮響入中臺。鳳池望在終重去。龍節功成且
納來。金勒最宜乘雪出。玉觴何必待花開。尚書首唱郎中和。不計
官資只計才。

送于中丞使回紇册立

賈 島

君立天驕發使車。册文字字著金書。漸通一作過青塚鄉山盡。欲達皇情譯語初。調角寒城邊色動。下霜秋磧鴈行疏。旌旗來往幾多日。應向途中見歲除。

鍾陵崔大夫罷鎮攀隨再經匡廬寺宿

羅 鄴

一拋文戰學從公。兩逐旌旗宿梵宮。酒醒月移窗影畔。夜髻身在水聲中。侯門聚散真如夢。花界登臨轉悟空。明發不堪山下路。幾程愁雨又愁風。

文明殿受册封閩王

翁承贊

龍墀班聽漏聲長。竹帛昭勳撲御香。鳴佩洞庭辭帝主。登車故里册閩王。一千年改江山瑞。十萬軍蒙雨露光。吟寄短篇追往事。留文功業不尋常。



4041952



中華民國壹零伍年拾月拾壹日贈送

國家圖書館



005032516

